


東華帝君



道藏輯要

金蓮正宗仙源像傳

卷五

翼集八

帝君姓王不知其名世代地里皆莫詳得太上之道隱崑崙山號東華帝君復居五臺山紫府洞天或稱紫府少陽君後示現於終南山凝陽洞以道授鍾離子又按仙傳拾遺云帝君蓋青陽之元氣萬神之先也居太宸之宮紫雲為蓋青雲為城仙僚萬億校錄仙籍以稟命於老君所謂王姓者乃尊高貴上之稱非其氏族也斯言蓋得之歟

元世祖皇帝封號東華紫府少陽帝君

武宗皇帝加封東華紫府輔元立極大帝君

贊曰道繼玄元教行率土天近崑崙雲橫紫府神中之神真中之真長生有道貽我後人